



Sermon  
Kxf. Dr. Numlaajtsheb Yaaj

**“Tus Uas Digmuaug Tau Koobhmoov”**

4<sup>th</sup> Sunday in Lent  
Our Savior Lutheran Church, Lansing, MI  
3-26-17

Thov txojhmoov txojkev hlub thiab txojkev haumxeeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

**Yaxayas 42:18** “Hear, you deaf, and look, you blind, that you may see! – *Cia li ua tibzoo mloog, nej cov uas lagntseg, thiab cia li ua tibzoo saib, nej cov uas digmuaug, kom nej thiaj li yuav pom!*” Nov yog Vajtswv txojlus. (Cross reference – Yaxayas 29:18; 35:5)

**Illustration** “Blindness” (Show accident on I-5 near Coalinga, California 1991)



Lub 11 hli nub 30 xyoo 1991, muaj ib cov cua hlob ua tej moov av, moov tshauv, thiab tej moov xuabzeb ya los tsuam txojkev Interstate 5 nyob ze Coalinga, Californai. Muaj li 14 tus tibneeg tuag thiab ntau tus raug mob los ntawm tej xuabzeb los tsuam tej kev nrog rau tej cua hlob li 50 mph ua rau tsis pomkev kiag li. Thaum yav tavs ntawd, txojkev ntawd ua rau tej tsheb sib nrau, sibtsuam, kub nyiab thiab siab nias li 3 mile kev. Cov nyob tomqab tsis pom haistias pem hauvntej muaj xovxwm zoo li cas, vim cua hlob ua

txojkev tsaus ntuj nti, lawv tsua yog tsav lawv lub tsheb mus tsoo cov tsheb nyob ped hauv ntej ntxiv xwb. (Today in the Word. August 16, 1992) Vim los ntawm cov cua hlob, tej moov av, moov tshauv, thiab tej moov xuabzeb ua rau lawv “tsi pom kev – zoo ibyam li digmuaug” tsauntuj nti lawm, lawv thiaj li muaj teebmeem.

I. Ua lub neej digmuaug yuav nyuaj kawg nkaus rau tus tibneeg uas tsis pomkev.



Nws yuav tsis pom haistias lub ntuj zoo li cas, tibneeg zoo li cas, thiab tej pajntoos zoo nkauj li cas. Nyob rau Yexus tiam, tus tibneeg uas digmuaug nyob ua lub neej txomnyem vim lawv tsua yog nyob thov khawv tom tej kev saib tibneeg puas pub mentsis rau lawv tau noj tau haus. Yog peb hais lolus haistias, “*tus uas digmuaug tau koobhmoov*” ntseg peb yuav tsis totaub. Tiamsis Yexus twb hais zoo sishooj li ntawd ntawm Mathais 5:4 haistias, “blessed are those who mourn – *Tus uas quajntsuag tau koobhmoov.*” Ntawm peb tibneeg rau ntawd sab nqaitawv peb


yuav haistias, “Tus digmuaug, tus quajntsuag, tus txomnyem, tus muaj mob, tus ua tsis tau ibyam dabtsi, lawv yuav tau koobhmoov li cas?” Tibneeg tsua tseem cem ntuj cem teb haistias, “Ua li cas kuv yuav tau tus tub, tus ntxhais losyog muaj tus txheeb tus ze zoo li no.” Nyob rau Yexus tiam, Yexus kho cov tibneeg uas digmuaug, lagntseg, thiab muaj mob rov pomkev, hnov lus thiab zoo lawv tej mob lawm. Hnubno ntawm Txojmoozoo thiaj li qhia txog Yexus ua tiav lawv li tus xibhwb Yaxayas hais 700 xyoo uantej lawm haistias tus uas digmuaug yuav rov pomkev.

Yog koj ua tibzoo saib, txojkev digmuaug tsis nyuaj npaum li cas thiab. Vim ntau tus tibneeg twb ua tau

povthawj tias txawm txojkev digmuag los nws yeej ua tau zoo li tus tsis digmuag. Kev digmuag ntawm sab nqaijtawv yuav muaj feem kho tau thiab yuav muaj feem kovyeej ntawm txojkev digmuag rau coob tus. **(Show spiritual blindness)**



Tiamsis yog tus tibneeg twg muaj kev digmuag ntawm sab ntsujplig, tus no yuav kho nyuaj vim nws tsis yog taug txojkev ntawm nqaijtawv tiamsis nws yog taug txojkev tsaus ntujnti ntawm sab ntsujplig. Yog koj taug txojkev tsaus ntuj nti ntawm sab ntsujplig ces yog koj tsis pom Vajtswv vim txojkev txhaum los muab koj ua digmuag lawm. Yog li ntawd, txojkev uas yuav rov pomkev ntawm sab ntsujplig ces koj yuavtsum tig rau ntawm Vajtswv txojkev kaj ua rau koj pom kev. **(Show Isaiah)**



Yaxayas yog Vajtswv tus tubtxib uas los qhia kom Vajtswv haiv tibneeg tsis txhob nyob rau txojkev digmuag uas yog nyob tsaus ntuj nti rau lawv tej kev txhaum. Vim lawv tsis ua raws li Vajtswv txojlus cogtseg rau Vajtswv haivneeg. Yaxayas xav kom lawv yuavtsum qhib lawv lub qhovmuag thiab rov pomkev rau Vajtswv. Nov yog lawv yuavtsum pom lawv tej kev txhaum, tig rov los lees lawv tej kev txhaum lawv thiaj li yuav tau lub neej ntawm txojksia. Yog li ntawd Yaxayas thiaj li haistias, “Hear, you deaf, and look, you blind, that you may see! –

*Cia li ua tibzoo mloog, nej cov uas lagntseg, thiab cia li ua tibzoo saib, nej cov uas digmuag, kom nej thiaj li yuav pom!” (Yaxayas 42:18)*

II. Peb tibneeg tiam tamsimno los ua lub neej niaj hnuv digmuag rau ntawm sab ntsujplig. Vim peb tsis pom Vajtswv txojkev cawmdim ntawm Yexus Khetos. **(Show Jesus talking to people)**



Tibneeg khavtheeb haistias, lawv ua tau txhuayam, lawv pom txhuayam, thiab kev txawj kev ntse yog lawv li. Nov zoo sisthooj li Yexus hais rau cov Yudais ntawm Yauhas 9:41 haistias, “If you were blind, you would have no guilt; but now that you say, ‘We see,’ your guilt remains – *yog haistias koj digmuag, koj yuav tsi muaj kev txhaum; tiamsis nej haistias, “Peb pomkev” ces nej tseem muaj nej tej kev txhaum.*”

Nov zoo sisthooj li cov tibneeg khav haistias, nws txawj nws ntse. Tej tus txivtsev tswj nws tsevneeg uas txhua los nws hais mas nws yuavtsum yog xwb tsis muaj qhov tsis yog li. Tej tus nais ua haujlwm haistias, txhua los nws yog xwb tsis muaj lwm qhov los cuamtshuam li. **(Show my way or the highway)**



Lolus Asmesliskas thiaj li haistias, “My way or the highway – lolus txhais haistias, kuv li losyog koj cia li khiav mus.” Tej tus xibhwb los khav haistias, nws txawj nws ntse lawm ces txhua zaug nws qhuabqhia yuamkev lawm los nws tseem haistias nws yog hais Vajtswv txojlus xwb. Cov tibneeg coj li no, ntau zaug lawv yeej hais lus tsis yog thiab yeej hais lus yuamkev nrog rau kev txhaum tiamsis lawv tsis kam lees haistias lawv hais tsis yog. Tej lub sijhawm li no ces yog tus tibneeg no digmuag rau ntawm txojkev ncaincees thiab txojkev hlub lawm. Yaxayas thiaj li haistias, “He sees many things, but does not observe them; his ears are open, but he does not hear – *Nws pom ntau yam, tiamsis nws tsis ua li ntaw, nws lub qhovntsej yeej qhib, tiamsis nws tsis hnov li.*” (Yaxayas 42:20)

Cov kwvtij hlub thiab movshua, Vajtswv tibleeg xwb thiaj li yog tus yuav pab tau kom tibneeg rov pomkev dua. (Show Isaiah 43:1)



Yaxayas sau haitias, “.... Fear not, for I have redeemed you; I have called you by name, you are mine – ....*Nej tsis txhob ntshai, kuv twb cawm koj; kuv hu koj los ntawm koj lub npe, koj yog kuv tug.*” (Yaxayas 43:1) Ntau yam nyob rau hauv ntiajteb no yuav ua rau koj digmuag nyob tsaus ntuj nti. Tus uas digmuag yuavtsum muaj Yexus nyob rau hauv nws lub neej. Yexus thiaj li yog qhov pomkev rau tus digmuag. (Show John 9:38)



Thaum koj pom thiab totaub li no lawm koj yuav nrog Yexus mus thiab hawm Yexus ua koj tus Cawmseej zoo li tus tibneeg digmuag uas Yexus kho rov pom kev ntawm Yauhas 9:38, thiab nws hais rau Yexus haistias, “Lord, I believe,” and he worshiped him – *Tus Tswv, Kuv ntseeg, thiab nws hawm Yexus.*”

III. Yog koj tseem xav haistias koj lub neej tsis muaj txiajntsim, koj tsis paub haistias koj yuav ua dabtsi, koj tsis paub qhov phem losyog qhov zoo rau koj, yog haistias koj xav haistias, koj poobzoo lawm, tsis txhob tag kev cia siab. (Show trusting God)



Yog koj muaj tej xwm zoo li no ces zoo nkaus li koj yog tus tibneeg digmuag lawm. Txawm koj muaj li no los koj tseem yuav pomkev rau ntawm Yexus. Nws yog koj txojkev, yog qhov tseeb, thiab yog txojksia. Nws yog koj lub qhovmuag. Nws yog koj lub teeb. Qhov tseemceeb yog li no, koj tseem muaj txojkev rov pomkev ntawm Yexus. Cia li cia siab rau Vajtswv. Vim txojkev pomkev yog los ntawm Vajtswv los.

Muaj ibtus tubhluas lub npe hu ua James tuaj hais rau xibhwb saib puas muaj dejnum ntawm pawgntseeg rau nws ua. Tsis ntev xibhwb nrhiav tau ib txoj dejnum rau nws ua. Thaum twg xibhwb nrog James tham txog txojkev ntseeg, James tsis kam nrog xibhwb tham. Muaj ib hmo James mus koom nrog ib lub party thiab nws ntsib ibtus hluasnkauj. Tus hlusnkauj no nyuam tsis sibhaum nrog nws tus qub hluasnraug. (Show men with shotgun)




Thaum James xa tus ntxhais no mus rau ntawm nws lub tsev, thaum nkawd tabtom nce ntaiv mus txog ib nrab xwb muaj ibtus tubhluas tuav ib rab phomsuab. Tus tubhluas no xua rab phomsuab ntawd tua raug James lub ntsejmuag. James raug coj mus rau ntawm lub tsev khomob. James hu tus xibhwb thiab qhia rau xibhwb haistias James digmuag lawm. Nws qhov raug mob yuav zoo tiamsis nws yuav tsis pomkev ntxiv li lawm. (Show Jesus is the light of the world)



Xibhwb mus saib James thiab qhia Vajtswv Txojmoozoo rau James. Muaj ib hnuv James lees rau xibhwb haistias, “How coul I have been so blind? It’s like being able to see for the first time.” Jesus was the light – *Yog vim li cas kuv yuav digmuag ua luaj? Zoo nkaus li kuv rov pomkev thawj zaug. Yexus yog lub teeb.*

Michael yog ibtug thawjcoj ntawm pawgntseeg. Nws zaum pem hauv ntej txhua zaug muaj kev hawm Vajtswv. Muaj ib hnuv hawm Vajtswv tag nws los hais rau xibhwb haistias, “Xibhwb, kuv yuav tsis rov


tuaj hawm Vajtswv thiab koom nrog pawgntseeg lawm.” Xibwb tsis totaub haistias yog tim li cas. Xibhwb nug Michael haistias, “Puas yog tej lus kuv qhuabqhia tsis muaj tseeb? Kuv puas yog qhia Vajtswv? (Show the Bible is the absolute truth)



Michael teb haistias, “Yog kawg, vim koj qhia Vajtswv Txojlus ntawm phau Vajluskub, kuv tsis nyiam yam uas koj qhia ntawd.” Xibhwb thiaj li nug haistias, “Kuv tsis totaub, kuv tsua yog qhia raws li Vajtswv Txojlus hauv phau Vajluskub xwb.” Michael thiaj li teb haistias, “Kuv yog ibtug ntseeg zoo, tswvcuab zoo, kuv xav haistias lwmtus thiaj li yog cov tibneeg phem thiab muaj kev txhaum. Tiamsis thaum kuv mloog koj tej lus qhuabqhia, Vajtswv Txojlus rov taw rau kuv haistias kuv yog tus tibneeg txhaum. (Show I was bling and now I see)



Yog li ntawd txhuayam uas kuv xav haistias kuv tsis muaj kev txhaum puavleej ua rau kuv haistias kuv muaj kev txhaum.” Xibhwb mam li qhia rau Michael haistias, Yeuxs hluv Michael thiab los theej Michael tej kev txhaum huv tibi lawm. Michael thiaj li haistias, “I was blind, but now I see! – Kuv yog tus digmuag, tiamsis tamsimno kuv rov pomkev lawm.” (Show Yes, I believe)



Tus uas digmuag tau koobhmoov vim Yexus los ua lub teeb ci rau lub ntiajteb kom koj tsis txhob nyob rau txojkev tsaus ntuj nt. Koj pomkev los ntawm txojkev ntseeg thiab cia siab rau Yexus. Koj tsis yog tus digmuag tiamsis yog tus pomkev vim koj totaub haistias Yexus los tuag theej ntiajteb txojkev txhaum thiab Yexus pub txojkev cawmdim rau koj lawm. Ntiajteb yuav ua lub neej digmuag rau ntawm khoom ntiajteb, tiamsis tus uas ntseeg Yexus yog tus tau koobhmoov ua lub neej pomkev rau ntawm txojkev kajnrig uas yog tau txojkev cawmdim uas yog tau txojksia mus ibtxhis thiab ibtxhis. Asmees.

Thov kom Vajtswv Txojlus pub rau peb sawvdaws totaub thiab tau nyob kajsiaib lug rau ntawm Tswv Yexus Khetos. Peb txhuatus uas yog Vajtswv cov menyuum peb sawvdaws hais: Asmees.